



明季南畧卷之五

南都公檄

四月戊午朔南京兵部尙書史可法戶部尙書高宏圖王部尙書程註都察院右都御史張慎言兵部侍郎呂大器翰林院詹事兼侍讀學士姜曰廣太常寺卿何應瑞應天府府尹劉士禎鴻臚寺卿朱之臣太常寺寺丞姚思孝吏科給事中李沾戶科給事中羅萬象河南道御史郭維經山東道御史陳良弼廣東明季南畧卷之五

道御史周元泰山西道御史米壽圖陝西道御史加陞一級王孫蕃四川道御史朱國昌誓告天地號召天下臣民起義勤王捐貲急事

維崇禎十七年四月朔南京叅贊機務兵部尙書史可法等謹以宗廟危憊生民至計布告普天臣子嘗被今天子十七年之鴻庥託高皇帝三百祀之陰隲其言曰竊聞遭時有道類多以文事之盛而絀武功遭會非常正可以國恩之洪而徵臣節故天竇亂而常山睢陽之事著靖康靡而宗澤李綱之氣烈彼皆

錫山社六奇用寶編輯

慙從上作。豐可預知。然且俠骨錚錚。與良嶽之峰而並厲。義風烈烈。撥霓裳之奏。以爭鳴。況休命篤于上天。明德光于良史。有若本朝者乎。力掃凶氛。二祖之廓清。號同盤古。治從寬簡。畧朝之熙洽。象擬華胥。迺至今上。特典宏謨。益備孝廟之溫恭。儼在世祖之祖武。重光當冲齡而掃恭顯之氛。立清官府于召對而發龔黃之嘆。總爲編氓以寇起。而用兵是虐民者。寇也。而兵非得已。以兵興而派餉。是糜餉者。兵也。而餉非自私顧。猶認旨勤。願有再累吾民之語。每遇天災。脩省無一時自逸之心。蔬膳布袍。眞能以天下之肥而忘己之瘦。蠲逋宥罪。不難以一人之過。以就臣之名。是宜大業之宏昌。何意諸艱之駢集。理誠莫解。事有可陳。思爲蒼生而得人。上之張羅者。誠廣。責以赤心而報主下之自失者。難言。家家有半閒之堂。事事同小兒之戲。果能功名比曹武惠。詎妨好官之得錢。竟無肝膽似漢淮陰。曾念一人之推食。成俗太都爾爾。賢者亦并悠悠壅蔽。實繁。擔當何狀。圖之不早。病已成于養癰。局尙可爲。涉必窮于滅頂。悲夫。悲夫。邊

塵未殄。寇燄旋騰。血濺天潢。烽傳陵寢。秦稱天府。誰能封以一丸。晉有霸圖。無復追其三駕。迺者介馬橫馳。夫畿輔。羽書不絕于殿廷。南北之耗。莫通河山之險。盡失。天威不測。極知漢天子自有神靈。兵勢無常。豈得謝太傅。但憑歌嘯。晉都係四方之率。司馬有九伐之經。義不共天。行將指日。克襄大舉。實賴同仇。請無分宦遊。無分家食。或世貴如王謝。或最勝若金張。或子虛之以貴起。或輓輅之以談與。乃至射策孝廉。明經文學。亦往往名斑國士。橐爲里雄。合無各抒壯謀。各團義旅。仗不需于武庫。糗無壅于郇厨。飛附大軍。力爭一決。但羣策直承黃鉞。豈賊運得有白頭。醜類立殲。普天大脯。此則萬代之所瞻仰。雖九廟亦爲之鑒臨者也。倘策未暇于卽戎。必義且先于助餉。多去抵小國之賦。少則割中人之家。幸濟危機。何弦高之牛足惜。卽非長物。亦曹洪之馬是求。各付有司。轉輸畱討。此則事彌從便。氣易爲豪。至登龍巨商。聯田富室。若與縉紳並舉。亦自分誼攸殊。然使平準法行。卽楊翟之雄。豈得舉其奇貨。又如手實令在。將處士

之號。未可保其素封。凡稱多筭之有餘。總賴聖恩之無外。欲與共爲義士。多方亦賴同盟。偶值佳緣。母志善誘。譬以同舟之誼。但凡在于八百國。疇非王臣。揆諸恤緯之心。決不至二十四城。遂無男子。嗚呼親郊乃雍容之事。唐莊尙有崇韜。出塞本徼倖之圖。漢武乃逢卜式。矧茲何日。敢曰無徒。不惟社稷之憂。卽是身家之筭。始賊之巧于爲餌。時亦有優孟之仁。迨我之旣入其樊。莫不嬰地獄之罰。齊姜宋子。相率而入平康。珠戶綺窗。所過便成甌脫。來俊臣之刑具。則公卿之被拷者。痛嘗鄭監門之畫圖。與老弱之受害者。酷肖。是皆難民所說。足令聽者寒心。夫連歲報陷。如西安太原武昌等處。皆行省也。其中金穴。何止一家。若一時之牛酒不乏。雖八公之草木可驅。只坐一慳。遂成胥溺。豈不寃哉。欲圖穩著。須問前車。誠清夜而念上恩。雖何曾之萬錢。有難下咽。更援古以籌時策。豈王衍之三窟。便可藏身。同舟卽是一家。破巢必無完卵。可不思之思之。又重思之哉。法等智不足以效謀。憤何辭于卽死。實切執爰之願。輒通托鉢之呼。人理

尙存我求必應如纏情阿堵絕念封疆睢陽之援竟
停則霽雲抽誓言之矢荊州之粟獨擁則溫嶠有迴
指之旗封章尙達于北辰奮筆敢駕于南史是爲過
計亦屬癡衷見起君親約昭天日法等無任斫地呼
天槌心漉血之至

在籍兵部侍郎徐人龍主事雷演祚移檄遠近
浙江台紹道傅雲龍與台州知州闕繼紹通判
楊體元并推官張明弼知縣宋騰能任籍陳函
輝等亦誓師臨川曾益吳郡諸生王聖風徐珩
明季南畧卷之五
五
等各有檄文

臨海有朱輝討賊檄

嗚呼故老陳函經之變禾黍傷心普天同不共之仇
戈矛指髮壯士白衣寇易水精通虹日相君素車馬
錢塘怒擊江濤嗚呼三月望後之報此後盤古而蝕
日月者也昔我太祖高皇帝手挽三辰之軸一掃腥
羶身鍾二曜之英雙驅誠諒歷年二百八紀何人不
沐皇恩傳世一十五朝寰海盡行統歷迨我皇上崇
禎御宇十有七年于茲矣始政誅璫獨勵震靈作鼓

頻年禦敵。咸持宵旰。爲衣九邊。寒暑幾警。呼庚呼癸。之嗟。萬姓啼號。時切已溺。已飢之痛。雖舉朝肉食之多鄙。而一人辰極之未遷。遽至覆甌。有何失序。嗚呼。卽爾紛然。造逆之輩。疇無累世休養之恩。乃者。磔逼神京。九廟不獲安其主。腥流宮寢。先帝不得正其終。罪極海山。貫知已滿。慘深天地。誓豈共生。嗚呼。誰秉國成。詎無封事。門戶膏肓。河北賊置之不問。藩籬破壞。大將軍竟若罔聞。開門納叛。皆觀軍容。使者之流。賣主投降。蓋宏文館學士之輩。乞歸便云有耻。徒死明季南畧。卷之五

六

卽係忠臣。此則劫運。眞遭陽九百六之爻。而凡民並值。柱折維裂之會矣。安祿山以番將代漢將。帳中猪早抽刀。李希烈自汴州奔蔡州。丸內鴆。先進毒。鳳旣斬于京口。剖尸之僂安。逃景亦斃于舟中。跛足之凶終盡。無強不折。有逆必誅。又况漢德猶存。周曆未過。赤眉銅馬。適開光武之中興。夷羿逢蒙。難免少康之並。僂臣子心存報主。春秋義大復仇。業賴社稷之靈。九人已推重耳。誠憤漢賊之並。六軍必出祁山。嗚呼。遷跡金人。亦下銅盤之淚。隨斑舞馬。猶嘶玉陛之魂。

矧具鬚眉且叨簪紱身家非吾有總屬君恩寢食豈能安務伸國恥握拳透爪氣吞一路鼙鼓齒齒穿斷聲斷五更鼓角共洒申包骨之淚誓焚百里視之舟所幸澤綱張翼宋之旗協恭在位願如恂禹拔與漢之鉞磨厲以須二三子何患無君金陵咸尊正朔千八國不期大會江左賴有夷吾莫非王土莫非王臣各請敵王所愾豈曰同袍豈曰同澤咸歌與子同仇聚神州赤縣之心直窮巢穴抒孝子忠臣之憤殲厥渠魁斑馬叶乎北風旂常紀于南極以赤手而扶神明季南畧

卷之五

七

鼎事在人爲卽白衣而效前籌君不我負一洗櫬槍晦蝕日月重光再開帶礪山河朝廷不小海內共扶正氣神明鑒此血誠謹檄

陳壁論賊必滅有八

兵部司務陳壁奏曰闖逆據秦越晉破都逼帝望風訛傳者非謂其智深勇沈將卒超越必謂其假仁仗義百姓樂歸以臣所都闖賊所爲并賊將賊兵之情形決之賊之必滅斷無疑也賊之來也所過郡縣絕無戰功惟用奸細廣布流言輒云大兵百萬戰將

千員順者秋毫無犯逆者屠戮全城致荒殘愚民被其煽惑或望風逃竄或俛首迎降賊未至境域市一空及賊壓境奸淫擄掠殆無庶類民恨其詐更受其酷心切同仇知其必滅者一也逆賊進京臺無大志止張僞示鈎通長班抄沒勛戚鎖押百官追銀兩或千金或萬金晝夜夾打慘酷萬狀文官有銀者不問才品止看肥長仍舊收用流毒如此用人如此知其必滅者二也賊兵沿門擄掠搶財物淫婦女反復殆盡仍各移據一家責供狼餐道路行人短褐苟完卽

明季南畧

卷之五

八

縛拷夾滿城百姓如在湯火片刻難存知其必滅者三也賊將所號頭目數人各相雄長目無賊主闖逆屢欲僭位其下每相對偶語云以响馬拜响馬誰甘屈膝又言我輩汗血殺來天下不是他的本事時聚族殿上譁浪笑傲穢褻不堪知其必滅者四也逆賊所追官民財物下將十取二三以解上將上將又十取二三以解闖逆又有此將押追彼將攘奪吏政選用將府拘囚上下爭利文武爭權知其必滅者五也賊兵擄括腰纏多者千餘金少者亦不下三百四百

金人人有富足還鄉之心。無勇往赴戰之氣。臨敵必至怯亡。平日漸將潰散。知其必滅者六也。燕京所積米麥有限。今賊兵人馬作踐。指日必盡。東南絕運。西北奇荒。破城不滿廿日。米價已騰貴三倍。嗷嗷怨恨。半年之內。燕京內外必至絕粒。知其必滅者七也。賊來道經西魯。與之市馬。仍奪其金。西人痛恨。鈞連。

清兵同總兵吳三桂運兵入討。賊出兵一萬一陣盡沒。僅存七人。賊又陸續發兵。眾怨嘆。闖逆不及篡位。

四月十二日親統賊兵應敵。若四方義兵與。

明季南畧

卷之五

九

清兵首尾夾擊。知其必滅者八也。更以逆賊所據之勢言之。其所據北直陝西山。西河南諸處。土地雖廣。荒蕪不治。人民鮮少。饑困難生。財賄無所出。稅賦無所收。此賊勢之必窮于內者矣。且逆賊三面距魯。魯知逆賊劫聚甚多。無一日忘賊之心。賊若南下。魯必出大眾以搗其巢。賊若守邊。我又可出銳師擊其後。賊若分頭應敵。則兵餉單匱。北制南牽。又賊勢之必窮于外者矣。此皆臣身親目擊。段段實境。實情。夫賊情如此。賊勢如彼。殄滅可期。恢復可奉也。

論列賊之情勢。無一語不確。雖托空言。要皆實事。故錄而存之。

張獻忠雜志

甲申六月初一日。左良玉陳恢復多城。疏曰。臣于去年八月初復武昌。旋以江省爲憂。約被撫按備糧。擬卽發兵往護。而撫按二臣嚴文力拒。臣兵不使得前。賊因入袁州。禍中江西。非臣之過也。臣隨選副將吳學禮。于十月十三日恢復原城。因糧絕。兵回。迨賊復返。臣乃遣馬進忠統騎兵。陸走江西。十一月二十七日。明季南畧卷之五

十

日再復袁州。而江省會無顆粒寸草以勞軍也。又于本月十三日恢復平鄉。十二月初二日恢復萬載。初五日恢復湖廣豐陵。二十六日恢復長沙湘潭湘陰湖南一帶城池。獲各城僞守等官尹蘇民等。現在九江營監禁。遺副將馬士秀等統步兵。由水趨湖廣。因于十二月二十四日恢復臨湘。卽于本月有恢復岳州之大捷。又于十七年正月十六日恢復監利。二十日恢復石首。二月十一日恢復公安。先是臣又調副將惠登相率兵由均東下。會師於十七年正月二

十四日。同副將毛顯文恢復惠安。又于二十六日乘勝直搗隨州。未滿三月。恢復府州縣一十四處。屢次捷功。俱經臣與監軍職方司主事李猶龍先後馳報。近檄袁岳水陸兵馬合進追賊。而逆獻始踉蹌竄蜀。江右湖南盡爲甯宇。今圖乘隙進復陵寢。方愜臣之本願。江督呂大器駐兵江西省城。從不出一步。乃有恢復吉安之報。顧不思獻賊未到吉安。何事恢復。反疏左兵無心勦賊。皆足爲地方之患等語。

湘按黃澍疏曰。正月初三日。據鄖標右營副將賈一明季南畧

卷之五

十一

選塘報。獻逆于十二月十五日。自荆河口搭浮橋渡河。十二月二十四日入荊州城。及老猢猻合營。先是荆爲闖逆部賊。任孟二賊所據。老猢猻曾與之爭。自獻逆渡河。而任孟宵遁。爲分爲合。似未可知。

獻猢猻在荆襄。闖逆據承德。楚中入川入豫要路。我往則寸寸皆所。彼來則處處皆通。今我取得前者惟青徐一綫。毫歸數武而已。

六月十三日。張獻忠陷涪州。再陷瀘州。二十二日。獻忠衝佛圖關。遂圍重慶。四日。城中力不支。乃破。獻忠

屠之一城老幼無子遺者。取壯丁去耳鼻兩管。驅至各州縣。言兵至而不下者。視此。但殺王府官府鄉紳。封籍以待。則秋毫無犯矣。由是所至官民自亂。無不破竹下者。巡撫陳士奇時交代未至。與重慶推官王行儉俱死。瑞王遊難在渝。闖門遇害。總兵趙光遠降賊。士英猶請降勅獎之。八月初五日。獻忠圍成都。初九日。獻忠陷成都。蜀王闖宮遭害。撫臣龍文光暨道府皆死。三十日。貴撫范鏞奏蜀寇猖獗。九月十四日。御史徐養心言闖賊使孟長庚築江陵城。逆獻復有明季南畧卷之五

取荊州之檄。萬一順流而東。潯陽蕪湖單弱。樞輔尙屬築舍不幾。以金陵爲孤注耶。總督死者止熊文燦耳。其他一味欺飾。失律之罪爲何。十二月十九日。四川僉事張一甲言川事決裂之甚。東則張賊直衝夔門。由忠萬而上。勢如破竹。北則李賊漸逼閬中。廣元昭化以南。久已降賊。通巴一帶。日爲搖黃土賊。西掠六月二十一日。張賊陷重慶。瑞王遇害。舊撫陳士奇。拷死。將弁俱殲。兵民斫去一手者萬計。八月初五日。張賊圍省城。初九日。大砲崩城。官兵盡潰。士民慘死。

擁尸塞流。蜀王撫按總鎮三旬俱無下落。而李賊又于七月招安保寧。士民投順。川北無兵。胆氣已爲搖。黃折盡。自涪渝繼陷。各兵斫手放歸。見者寒心。二十日。川督王應熊。上言重慶成都二府。凡川民敲骨吸髓。所供殆七八十萬。悉爲賊有。

李自成雜志

甲申七月十三日。李賊出關道。雒陽攻密縣。李際遇小寨。十八日。僞順行牌至東昌。云發兵三十萬。由曹縣至金鄉。繳十九日。參將夏有光報探至臺兒莊。知明季南畧。卷之五

三

闖賊見在平陽。整兵太原。潞安鄉紳富戶盡徙西安。二十日。李賊僞將宋朝臣。兵至杜勝集。舊兵部職方主事郭獻可。微服村居。召標將張成初與戰于桃園。賊兵潰。追獲朝臣斬之。遺聞作郭獻可八月二十八日。蕪湖主事陳道暉。奏權關銀被賊入。皆掠盡。十月二十一日。李賊出潼關。三營向歸德。三營上裕州。二營踞邠縣。十二月初六日。陳潛夫報。李賊來窺河南。

僞官

甲申六月初七日。原任河南勸農兵部尙書丁啟睿。

奏弟啟光分守睢陽。命副將盛時隆。申吉。白維屏。遊擊黃承國。都司李定國。馬國貞等。密會歸德知府桑開第。舉人丁魁南。郭燻。余正紳等。計擒各縣僞官。俱于五月十六日。一齊擒拿。獲得歸德府僞管河同知陳奇。商邱僞知縣賈士俊。父子僕三人。柘城僞知縣郭經邦。鹿邑僞知縣孫澄。甯陵僞知縣許承廕。考城僞知縣范雋。夏邑僞知縣尙國儁。併各僞契一顆。今將所獲各賊解京。郭經邦以天暑病死。昇屍浦口。俟驗時。濟甯都司李允和。殺僞官劉濟。尹宗衡。張問行。

明季南畧

卷之五

十四

傅龍等九人。因原任兗西道副使。叛官王世英。解京獻俘。又開封府推官陳潛夫。寨勇李遇知。劉洪起等。各殺僞官南附。青州府衡藩。率諸生驅殺僞官。請徙內地。四川巡按御史劉之渤。奏報合。江仁懷擒殺賊楊騰鳳。張見陽等。改潛夫江西道御史。巡按河南。啟睿以原官爲河南安撫。賜遇知洪起總兵官。勅之渤下部紀錄。初十日。馬士英疏曰。爲請申大逆之誅。以洩神人之憤事。縉紳之貪橫無恥。至先帝末年而已。極結黨行私。招權納賄。以致國事敗壞。禍及宗社。闖

賊入都之日。死忠者寥寥。降賊者強半。侍從之班清華之選。素號正人君子之流。皆稽首賊廷。如科臣光時亨。力阻南遷之議。而身先迎賊。龔鼎孳降賊後。每見人則曰。我本要死。小妾不肯。其他逆臣。不可枚舉。臺省不糾彈。司寇不行法。臣竊疑焉。更有大逆之尤者。如庶吉士周鍾勸進未已。復上書勸賊早定江南。又差人寄其子。稱賊爲新主。盛誇其英武仁明。及恩過之隆。以搖惑東南親友。見者無不憤恨。恨不立毀其家。昨臣病中。東鎮劉澤清來見。誦其勸進表聯云。

明季南畧

卷之五

十五

比堯舜而多武功。邁湯武而無慙德。又聞其過先帝梓宮之前。揚揚得意。竟不下馬。臣聞之不勝髮指。其伯父周應秋。周維持。皆種忠賢門下走狗。本犯又爲闖賊之臣。梟獍萃于一門。逆惡種子前世。臣按律謀危社稷。謂之謀反。大逆不道。宜加赤族之誅。以爲臣民之戒。今其胞兄周銓。尙厠衣冠之列。其親堂弟周鑣。儼然寅清之署。均當連坐。以清逆黨。伏乞皇上大奮乾斷。勅下法司。先將本犯家屬。並周鑣周銓等。嚴行提問。依律正法。其餘從賊。苟免諸臣。分別定罪。庶

國法伸。而人心傲于新政。不無小補矣。十二日。通政使劉士楨。請令北面大小文武職官。俱著歸原籍。靜聽朝廷處分。不得紛然奏辨。上從之。十五日。敘東省擒殺僞官功。以李元和爲首。七月初二日。令敘山東擒僞功。初八日。諭北京從逆諸臣。傲六等定罪。二十五日。劉孔昭薦錢位坤言位坤曾經吳三桂收用。忠實可信。長安所刻國變錄。爲奸徒借題害人。不止龔彞受屈。請亟收用位坤。八月初三日。原任昌平撫何謙自北逃歸。初四日。朱國昌言。往者賊入都城。自閤明季南畧。卷之五。去。部以至庶僚。有一不青衣小帽。叩首賊廷者乎。至賊衆已去。又思藏頭換面。駕言不屈。潛蹤覓線。冀燃死灰。如梁兆陽。何瑞徵等。萬口唾罵。至若劉大鞏等。耻心蕩然。當與周鍾輩。並行正法者也。初八日。諭刑部所擬從逆之臣。如領兵獻策。卽在庶僚。豈可未減。督撫總兵降賊。情罪極重。豈可列二等。京堂科道翰林。受賊僞令。豈可止于一絞。封疆大吏。聞變倡逃。豈止于流。獻女獻婢。豈止于徒。諸臣負恩辱國至此。須有定案。昭示天下。初九日。逮故大同知府張璘。然戶府。

郎黨崇雅祭酒薛所蘊二十日。僞大常丞項煜逮到。二十七日。御史王孫蕃方以智自虧臣節。復撰僞書。以亂是非。命逮以智。九月初一日。下部議王先通恤褒。先通非王守仁後人。冒襲降賊勸進爲賊聲罪。所誅十六日。浙撫任天成劾浙屬鄉宦金汝礪繆沅身污僞命。張璘然方允昌爲賊親任。一歸一未歸。李綱徐家材俱受僞職。庶吉士魯口王自超。吳爾壘。魏學廉。爲賊所畱止。學廉痛憤自縊。諸人猶戀身家。臣諠安容十八日。田仰拿解光時亨至。二十一日。高傑爲明季南畧

卷之五

七

匍匐南歸之臣。請從末減。十月初五日。降賊故尙書張縉彥。自言在河北收義勇。誅僞官。大學士王鐸保之。命以原官總督北直山西河南軍務。文武委用。給空名札二百。十二日。御史胡時亨言。近來章奏。文武陞授。皆出勲臣之口。至從逆僞官。借口軍前。蒙面求進。武臣不效命。謂文臣掣其肘。今不又武臣掣文臣之肘乎。又言黃國琦。施鳳儀。補用臣實駭然。黃則僞吏部掌硃封者。施則管儀仗時語賊。不可用。亡國之器。願自賠十金造者。此何人而辱班行乎。十五日。兵

科王口奏李祖述。朱元臣。偷生負主。有愧諸勛。下部議。十九日。諭兵部。臨淮侯李祖述。奉命守門。城陷。君亾。偷生南竄。該部嚴議。命北歸。庶吉士史可程。督輔私寓。候議。劉澤清。招禁商船。爲水營。薦黃國琦。爲監軍。二十日。史可法。薦北歸。諭德衛。允文。兼兵科。命監高傑軍。十一月初五日。丁啟睿。丁懋楚。合奏。有僞侍郎金之俊。保舉二人。僞撫遣人持檄文至。爲劉良佐所獲。二丁合辭待罪。二十五日。御史沈宸銓。劾張縉彥。王永吉。何謙。邱祖德。黃希憲。魯化龍。命縉彥。永吉。明季南畧

卷之五

六

勿問。何謙等。法司提究。二十七日。劉澤清。薦時敏。海外興屯。令蘇京。駐廟灣。防海。十二月初五日。春坊韓四維。自言。未經賊辱。棄家南奔。令復官。四維。實願施銀一萬。求賊司業。而賊降爲修撰者。十一日。光時亨。辨罪。不允。二十日。受僞命。李逢甲。贈太僕少卿。二十一日。劉澤清。薦受僞命。時敏。仍以兵科。開屯大瞿山。刑部。尙書。解學龍。請寬貶節。偷生諸臣。如何瑞。徵張若麒。楊觀光。黨崇雅。熊文舉。二十二人。應候三年。定奪。二十三日。解學龍。上從逆諸臣。六等罪。一等。應磔。

宋企郊等十一人。二等應斬。擬長繫秋決。光時亨等四人。三等應絞。擬贖。陳名夏等七人。四等應戍。擬贖。王孫蕙等十五人。五等應徒。擬贖。宋學顯。沈文然等十人。六等應杖。擬贖。潘同春等八人。存疑。另擬翁元益等二十八人。保國公朱國弼等。合疏糾刑官六失。御史張孫振亦言從逆一案。明諭法宜從重。大司寇操此三尺。推諉半年。人人出脫。北來諸人。乃賊棄之而來。非棄賊而來。解學龍賣法舞文。乞勅公鞫革學龍職。以高倬爲刑部尙書。乙酉正月初十日。韓四維明季南畧卷之五

九

逃歸。託言前使岷府不污賊塵。上謂遣封在四月中。旬未及受事。何得欺飾。姑著調用。工科錢口奏科塲大開賄賂。何瑞徵。項煜公然市買。二十三日。蘇松按周元泰奏。楊枝起。宋學顯。楊汝成。宋之繩。曹谷。朱積翁。元益。旣受僞官。豈容倖漏。令法司提問。

誅周鍾等

四月初九辛酉。殺從逆光時亨。周鍾。武懷。又殺原任武德道僉事雷演。祚。禮部主事周鏞。鏞與鍾從兄弟也。頁時譽與阮大鍼有隙。士英。叅鍾從逆。謂鏞當坐。

照磨張明弼奏鑣險惡朱統鑣據鑣他事論劾提問
演祚亦與大鉞有怨劉澤清疏攻呂大器及演祚大
鉞復奏演祚不忠不孝吏科林有本繼之有旨從逆
各犯及演祚二案著法司速行訊結光時亨者與李
明睿不同聲氣阻駕南遷者故與四人同死

周鍾遁居嘉興項仲展家時遣無錫武舉鄒浩
之往逮鍾見鄒謂之曰汝非有年誼乎鄒曰然
因僞云老年翁此去亦不妨不去晚生妻子已
下獄矣鍾與千金鄒不受鍾曰去終是死亦避
不得矣遂行至南京殺于大中橋臨刑謂衆曰
今殺我天下遂太平乎時年四十四萬曆壬寅
生也

邊鎮諸將

甲申六月十三日己巳以總兵吳志葵鎮守吳淞先
是江北諸鎮兵不戢孰思渡志葵時爲游擊隨撫
臣鄭瑄鎮京口志葵悉心守禦之晝夜靡懈江上以
安故有是擢十八日甲戌劉澤清請誅呂大器指其
起用王重掌選又指其比雷演祚謂演祚爲吳姓走

狗殺周延儒以媚東林澤清又薦張捷鄒之麟張孫振劉光斗及逃撫郭景昌王永吉十一日丁丑塘報陝西全陷馬士英請亟獎趙光遠給以空札一百時光遠已降賊矣十三日己卯濟寧回子兵朱繼宗復殺所署副將楊朴一家而自爲總兵與李元和共事十八日甲申北將于永綬等領馬兵千人駐札鎮江浙江都司賈之奎領步兵至止其地及京口營兵與各路零卒分札西門外與教塲等處類聚繁雜平日與市舖交易未免爭較鎔銖遂各懷嫌忿復因馬兵以賤值攫小兒爪相持不讓兵傷兒額道路不平攢敵之縛而擲之江馬兵攘臂欲得首事者甘心焉問之則浙兵居多深以爲恨呼黨攻闖忿然馳馬來路遇浙營守備李大開呵之不下大開怒抽矢射之中數人馬兵謂浙營兵將皆欺我羣起攻殺大開中矢傷重卽斃時浙兵于道上有竄隱民家者馬兵借端挾索恣其淫掠焚東門外民居數十里馬兵有云四鎮以殺搶封伯吾輩何憚不爲仇殺不解幾成大亂祁撫軍環甲馳往彈壓地方以安而馬兵旋爲史閣

部調去儀真安插其事得解事問上以于永綬等四將馳千餘兵紀律不彰仇殺駭聽宜速處其首釁者令赴史可法軍前核治可法下令總鎮官處分起事兵丁一二名而已其後兵將調集悉聽本處撫臣節制著爲令命總兵黃斌卿防禦京口邱磊鎮守山東七月初三日戊子命四鎮各率兵由六合馳赴督輔調用皆不奉詔初五日庚寅祁彪佳黃斌卿總兵鎮江命金聲桓駐防淮揚初六日辛卯張鳳翔手書移邱磊言北兵甚迫義不可往已率義勇鄉紳離東昌明季南畧卷之五

而來初九日加李際遇劉洪起總兵防禦河南初十日定京營之制悉照北京命以杜宏域揚御蕃牟文綬補三大營各總兵各統一營至五營卞啟光竇國寧胡文若補三大營各總兵各統六營至十營詹世勳等各補正副號頭先是牟文綬協防鳳陵見賊勢縱橫捐貲募練義勇數千以資戰守至是有京營之命卽與劉良佐議原兵願畱者不願畱者各聽自便於是原兵願畱者卽令原領兵官王先聲袁大仁等統率并騎甲器砲俱赴劉鎮交付外其餘挈妻子先

南走期以隨綬暫駐江浦四千餘人兵將不忍相離。綬奏該督神機巡邏二營名雖一萬六千實不及一半倘隸此四千人于二營可壯京營守禦上下其章于所司詔各鎮舉用大帥劉澤薦水陸大將馬化豹栢永馥俱聽史可法題用疏入上嘉其得體故有是命御史陳蓋募兵雲南先攜三萬金備餉二十六日杜文煥提督巡捕營八月初二日丁巳蘇撫祁彪佳言鎮臣黃斌卿躬提一旅至京口正值亂兵肆劫纔得佈置鄭鴻逵欲以上江調換他處那借之錢糧如何

明季南畧

卷之五

三

何鍾算初七日命左良玉開藩武昌左夢庚惠登相並都督僉事初九日甲子王應熊開藩遵義十五日劉良玉移鎮壽春馬士英薦汪碩德兄弟招募水師造船二十八日劉澤清上言進取之計募數十萬之兵儲數十萬之餉備十餘萬之馬匹器械須整頓一二年乃可渡河今惟恐姜曰廣劉宗周不得黨勝爲快快臣不能隨輔臣急于一渡也今已入臨清會兵南下賊已道雜陽攻密縣如此光景寇不至江清不至河不止也二十九日甲申封福建總兵鄭芝龍

南安伯云都司同知陳謙奉命往閩請乞召對面陳軍政機宜并祈臣工盡滌積習忘爾我門戶之私文武協和中外交應以贊中興之業謙鎮粵時曾與鄭芝龍盟于羊城矢心報國近因寇患陳追勦三策部議謂其切于時務可佐前籌且與閩帥交善令齎勅諭金帛往閩獎賚芝龍兼調其兵六千入防卽與鄭鴻逵統領共兄一萬之數俟謙差旋淮浦以旌賢勞

顧錫疇請謚

甲申七月初八日禮部尙書顧錫疇疏稱文震孟正
明季南畧 卷之五

五

性直節望重朝野當熹廟初勤政講學一疏直視逆瑞之魄以致削奪幾陷危禍後蒙先帝賜環勞深講愷特荷拔置政府竟爲同列溫體仁所抑速去未至大用賚志以歿奉先帝贈恤之旨而美謚未膺公論惋惜羅喻義正氣孤標著述多先儒所未發之旨爲南大司成擒倡建逆瑞之祠者置之法風毅肅然後以日講不附會溫體仁進呈講章遂致告朝野重之姚希孟學問志行淵純剛果少以風節自勵一入仕途遂爲小人側目璫禍幸畱碩果後直先帝講幄最

久啟沃功深又爲體仁所不容抑鬱以死先帝恤之已有贈蔭而謚典未舉呂維祺生平忠孝捐助急公雒陽陷日烈烈以死全大臣不辱之節已經贈恤未與易名之典四臣立朝殉難本未近在數年內人人能道之者也乃應得謚恤而久懸不補則未免爲盛朝之缺事矣并請削體仁濫邀非分之謚以正褒誅大義上以事關激勸從之

遺問云允顧錫疇議削溫體仁文忠謚尋復之予大學士文震孟謚文肅劉一璟謚文瑞賀逢聖謚文忠明季南畧卷之五

五

禮部侍郎羅喻義謚文介詹事姚希孟謚文肅兵部尚書呂維祺謚忠節山西巡撫蔡懋德謚忠襄隨州知州王壽一謚忠愍懋德謚尋奪之

甲乙史載錫疇請謚在六月初十日十一日子一璟逢聖謚及六月二十七日諭禮部溫體仁貽毒深遠著削去謚以明公道

北京殉難諸臣

九月初三日戊子賜北京殉難文臣二十一人勲臣二人戚臣一人祭墓贈廕祠謚有差閣臣范景文謚

文貞戶部尚書倪元璐謚文正左都御史李邦華謚
忠文兵部侍郎王家彥謚忠端刑部侍郎孟兆祥謚
忠貞右都御史施邦曜謚忠介大理寺卿凌義渠謚
忠清太常少卿吳麟徵謚忠節左春坊庶子周鳳翔
謚文節左諭德馬世奇謚文忠左中允劉理順謚文
正檢討汪偉謚文烈太僕寺寺丞申佳胤謚節愍戶
科給事中吳甘來謚忠節御史陳良謨謚恭愍御史
陳純德謚恭節御史王章謚忠烈吏部員外許道謚
忠節兵部郎中成德謚忠毅兵部主事金鉉謚忠節
明季南畧卷之五
觀政進士孟章明謚節愍惠安伯張慶臻謚忠武襄
城伯李國楨謚貞武駙馬都尉鞏永固謚貞愍立祠
南京賜名旌忠又贈死節諸生許琰官翰林院五經
博士從祀忠臣廟中

遺問云贈劉理順妻萬氏妾李氏成德母張氏淑人
金鉉母章氏妾王氏汪偉妻耿氏恭人馬世奇妾朱
氏季氏陳良謨妾時氏孺人建坊旌表

予勲戚新樂侯劉文炳謚忠壯左都督劉文耀謚忠
果太監王承恩王之心謚忠愍李鳳翔謚恭壯鳳翔

以降賊被殺者大同巡撫衛景瑗謚忠毅宣府巡撫朱之馮謚忠壯總兵官吳襄謚忠壯特贈遼國公周遇吉謚忠武工部主事王鍾彥經歷施溥中書舍人宋天顯各子祭葬贈刑部郎中李逢申太僕寺少卿布衣湯文瓊中書舍人

甲乙史載王章汪偉謚在七月初一日張慶臻李國楨鞏永固謚在九月十六日又十月初十日賜王承恩謚立祠以降賊夾死王之心等七人附祀各蔭錦衣官

明季南畧

卷之五

七

開國諸臣謚

先後補予開國諸臣謚邦國公馮國用謚武翼濟國公丁德興謚武襄德慶侯廖永忠謚武勇定遠侯王弼謚武威長興侯耿炳文謚武壯永義侯桑世傑謚忠烈河間王俞廷玉謚武烈東勝侯汪興祖謚武愨口口侯茅成謚武烈濟陽侯丁普郎謚武簡高陽郡侯韓成謚忠壯東邱郡侯花雲謚忠毅丹陽縣男孫炎謚忠愨當塗縣子王愷謚壯愨高陽郡侯許瑗謚忠節縉雲伯胡深謚襄節御史中丞章溢謚莊敏晉

府長史桂彥良謚敬裕詹事唐鐸謚敬安祭酒劉崧
謚恭介東莞伯何眞謚恭清平遙訓導葉居昇謚忠
愍姑孰郡公陶安學士詹同俱謚文獻

甲乙史載丁德興馮國用廖永忠王弼耿文炳
謚在七月十五日傅友德馮勝章溢桂彥良謚
在七月十九日唐鐸劉崧何眞葉居昇謚在七
月二十一日桑世傑俞廷玉汪興祖茅成丁普
郎韓成花雲謚在八月二十二日陶安詹同孫
炎王愷許瑗胡深謚在九月十八日

明季南畧

卷之五

三

建文朝死難諸臣謚

補予建文朝死難諸臣謚文學博士方孝孺謚文正
兵部尙書齊泰太常寺卿黃子澄刑部侍郎張昇
太常寺少卿盧原質給事中葉福俱謚節愍禮部尙
書陳迪御史大夫景情大理少卿胡閏俱謚忠烈兵
部尙書鐵鉉謚忠襄脩撰王叔英謚文忠禮部侍郎
黃觀謚文貞戶部侍郎卓敬御史大夫練子寧俱謚
忠貞衡府紀善周是脩按察使王良俱謚貞毅編修
王良太常少卿廖昇俱謚文節刑部尙書畢昭左贊

善連樞俱諡剛烈。都御史茅大方。御史高翔。教授陳思賢。燕府伴讀俞逢辰。俱諡忠愍。給事黃鉞諡忠獻。御史曾鳳詔。參軍斷事高巍。俱諡忠毅。左拾遺戴德彝。御史魏冕。俱諡毅直。知府姚善。知縣顏伯瑋。俱諡忠惠。大理寺丞鄒瑾。兵部侍郎譚翬。俱諡忠愍。都御史陳性善。諡忠節。燕府長史葛誠。諡果愍。刑部侍郎胡子昭。諡介愍。谷府長史劉璟。諡剛節。御史林英。諡毅節。魏國公徐輝祖。諡忠貞。越雋侯俞通淵。都指揮瞿能。俱諡襄烈。衛奎。儲福。諡貞義。都指揮謝貴。莊得明。季南畧。卷之五 五

清請也。

甲乙史載云。十二月二十八日。允建文諸臣諡。方孝孺等七十一人。俞通海等十七人。瞿能。平陽伯。謝貴。英山伯。王得分。水伯。馬宣。全椒伯。朱鑑。舍山伯。

正德朝死諫諸臣諡

補予正德朝死諫諸臣諡。御史蔣欽。諡忠烈。兵部員外陸震。諡忠定。工部主事何遵。諡忠節。刑部主事劉

較諡孝毅大理評事林公黼諡忠恪行人孟陽諡忠介李紹賢諡忠端俞廷纘諡忠愍李翰臣諡忠毅詹軾諡忠潔劉平甫諡忠質給事中周璽諡忠愍指揮張英諡忠壯。

甲乙載諸臣諡在九月二十日內更有詹寅一人諡忠憲。

天啟朝死璫難諸臣諡

補予天啟朝死璫難諸臣諡副都御史左光斗給事中周朝瑞御史周宗建袁化中李應昇俱諡忠毅黃明季南畧卷之五 三
尊素諡忠端工部主事萬燦諡忠貞副使顧大章諡忠愍蘇松巡撫周起元諡忠襄

甲乙史載諸臣諡在九月二十日內更有繆昌期一人俱從部請也。

先後補諡

先後補予右都御史沈子木諡恭靖工部尚書沈儼炳諡褒敏副都御史張瑋諡清惠禮部尚書董其昌諡文敏大學士何如寵諡文端孫承宗諡文忠太常少卿鹿善繼諡忠節大學士孔貞運諡文忠薊遼總

督吳阿衡謚忠毅。簡討胡守恆。謚文節。貞運以國變痛哭不食死。守恆阿衡皆死難者。又予修撰沈懋學謚文節。諭泣焦竑。謚文端。祭酒陳仁錫。謚文莊。禮部侍郎張邦紀。謚文懿。仁錫初以忤璫削奪。尋得賜環。典較掄才。橫經造士。生平究心錢穀。邊屯河漕。律厯等書。著述幾千卷。皆千秋金鏡。子濟生。官太僕主簿。命主祭。故兵部尚書于謙。爲臨安伯。謙奠安宗社。有大功。爲奸邪構禍。吏禮部以恤不酬。寃爲之請卹。復左都御史陳於庭。原官。贈少保。

明季南畧

卷之五

三

甲乙史載云。何如寵。謚在九月十一日。張瑋。董其昌。謚在九月十三日。沈子木。沈傲。爝。謚在九月十六日。陳仁錫。張邦紀。謚在十月初八日。沈懋學。焦竑。謚在十一月初三日。吳阿衡。謚在十一月十二日。胡守恆。謚在十一月二十八日。守恆崇禎戊辰進士。爲湖州推官。入翰林。與無錫紳胡之竑通譜。癸未流寇破城。闔門被難。七月初二日。予故總督盧象昇。謚忠烈。二十五日。予故巡按湖廣劉熙祚。謚忠毅。遺聞云。乙酉春。予吏部

侍郎顧起元諡文莊。都督劉源清諡武節。

御史張孫振劾在告禮部尚書顧錫疇險邪有玷秩宗。以其請削體仁。諡而諡文震孟也。命錫疇致仕去。震孟體仁確議。

補甲申九月二十一日。賜降賊被殺內臣李鳳翔諡恭壯。諡法之濫如此。

吳适參駁

十二月十三日丁卯。戶科吳适糾亂政監司。一爲陳之伸以充東少參。聞警潛逃。革職逮問。捏稱部覆。朦朧。明季南略卷之五。三十一。補僉憲。一爲夏萬亨中書被察。題補勸農知縣。加副使銜。棄地南奔。遂營齋詔之役。稱副使。又借題迎護。陞江西布政。以邑令半載而登兵牧。一爲郭正中。以舉人罪加責戍。朦選知州。避兵不赴。借名修厓入京。奉旨驅逐。今又借危疆。躡得僉憲。內此而推。則從賊。拔用之黃國琦。應得畫錦矣。

編章云。吳适抄參忭城伯趙之龍。薦用人才疏。謂陳爾翼頌逆有據。且薦崔呈秀爲本兵。不可復用之。龍再疏爭之。适特疏言祖制。惟科臣專封駁之權。未聞

勲爵而叅駁正之。司勲臣黨邪求勝。將部科俱可不設。不幾背明旨而覆祖制乎。是時張捷秉銓。部務皆阮大鍼一手握定。而選郎以貪黷濟之。吏道龐雜。惟迺辦事垣中。抄駁侃侃。不憚權貴。若安遠侯柳祚昌。薦授程士達督理京營。迺抄叅士達非科貢。正途勲臣。乃提督大漢。非有標營之責。何得侵樞。戎職掌。以奪銓部權勢。懷慶知府郭儀鳳。疏言掛冠勤王。且誣巡撫方震孺貪狀。迺駁叅郡守無勤王之例。掛冠非入援之名。儀鳳不侯憲檄。非奉明綸。擅離職守。飾詞明季南畧。卷之五

三

妄瀆察撫臣清執有素。儀鳳穢迹著聞。必懼題叅。先行反噬。自應嚴究。以杜刁風。光祿署丞張星。疏求考選。迺駁叅張星以縣令躁進降處。又掛察典。不惟望斷清華之夢。亦已身絕仕進之階。乃無端幻想。僥倖上賞。欺君孰甚。若不一爲點破。則闔門大典。不幾爲燃灰之地。向躍之門耶。保定侯勲衛梁世烈。請襲祖爵。迺叅國難以來。雖王侯戚里。咸餒虎狼。華貫重臣。悉羅鋒刃。而其間脫身圖存。埋名割俗者。固亦不乏。該勲何以逆料其家之必殲。而忍以子嗣乎。萬一本

宗匹馬來歸。將奪諸該勳以授乎。抑姑仍之。且兩封乎。恐無此法紀也。該勳世受國恩。誠恢復有志。何難倡諸勳舊。破家從軍。自當直搗燕雲。上爲先帝復仇。次爲諸勳雪耻。爾時訪問本支。有無存否。然後請諸朝命。光復祖爵。不亦休乎。昔李晟收復長安。下令軍中曰。五日內無得輒通家信。今長安未復。殊非諸臣問家之日也。遂安伯勳衛陳濬請襲。迺叅自都邑變遷。河山阻絕。世次無憑。單詞莫信。業奉明旨嚴覈。該勳一請再請。若不能待。直視五等之封。祇同土塊之

明季商畧

卷之五

三

乞亦與萊備都督一醉告身。爲可以棄時拾芥而攫取乎。況遂安勳衛。今或遜迹閭閻。或從容歸國。安可懸坐鬼錄。使後來鞍馬遺裔。執途人而可稱。攀髯孤忠。裂本支而他續也。中書舍人張鍾齡請給部銜。迺叅職方何官。監軍何事。妄行陳請。若果報國有心。何官不可自効。而藉口贊畫。輒請高銜。躁進尤甚。他若革職司務朱濟之。計處吏部聶慎行。副使曾應瑞等。躡躋營陞。或疏劾。或抄叅。不少假借。無奈人心日競。啓事日雜。雖經封駁。銓部竟置高閣。旋駁旋用。使職

掌掃地而宵小盈廷矣。

吳适字幼洪號靜齋蘇之長洲人崇禎丙子舉人丁丑進士祖諱之佳庚辰進士以抗言國本爲民贈太僕少卿然則吳黃門殆忠諫世傳乎語云鷲鳥累百不如一鶚信然。

公與舅氏有年誼當行取時來謁南昌時先君子在署中見其年甚少美丰儀朱唇其言朗朗若金石聲每語不肖極賞之今讀其諸叅益嘆先君子之藻鑑也復憶昔侍內父杭濟之先生先生最喜其專稿是公之文章政事人物家風俱有大勝于人者。

熊汝霖奏獻闖一賊

吏科熊汝霖言獻賊已至重慶闖賊直至成都破渝不守意在順流東下北使諸臣所恃以爲緩兵之要著也左懋第請兵請餉望眼尙懸王變勅印未頒馬價未給爲額此何時而尙容姑待乎皇上旣以阮大鍼爲知兵卽當置之有用之地若但優游司馬樞輔已饒爲之何須忝此。

起劉同升等

補遺云以易應昌爲都察院副都御史郭維經爲僉御史起葛寅亮太常寺卿成勇福建道御史文安之詹事府詹事劉同升翰林院侍講趙士春翰林院編修寅亮安之清望素著勇以諫言護罪直聲振天下同升士春忠孝世傳皆以劾楊嗣昌奪情與黃道周昌言去國者也陞賀世壽戶部督倉尙書起王志道戶部侍郎申紹芳督餉侍郎志道佐憲以監視內臣越俎叅官廷諍革職紹芳居官清慎因溫體仁欲傾明季南畧

卷之五

三

文震孟許譽卿文致遺戍至是雪之

考選科道

考選游有倫朱統銓趙進美沈宸荃沈應旦吳春枝吳鑄吳适林冲霄劉天斗左光明蔣鳴玉湯來賀李日池胡時亨爲科道部屬官起補張采禮部儀制司主事熊汝霖戶科給事中章正宸吏科給事中

補遺

高宏圖乞歸

十月初六日庚申大學士高宏圖四疏乞歸允之先是章正宸爭中旨陞張有譽朱統顛糾姜日廣及爭

起用阮大鍼諸票擬俱不稱旨發改票再擬再改宏圖力爭不聽至是具疏請乞遂予請告去初宏圖家甚富山東遭亂後纖屑無存惟一幼子自隨欲僑居常熟不果寄棲吳門僧寺幼子附讀村館已遷之會稽

闕差

十一月初三日丁亥御史王化澄按廣東胡時忠視南京屯田臺規缺板序差時有廣閩江屯四差時忠首應差化澄名次第六尙未應差巧拜士英爲門生明季南畧卷之五

申謀總憲李治掌道張孫振疏創闢差上下其手時有舊河南道喬可聘夢與時忠空院奕碁云塞翁失馬未必非福後得因差歸里養親莫非數也

時忠子舅氏也初名時亨耻與光逆同名遂疏改今名爲御史時屢言時政得失京師號曰衝鋒時泰靖兩邑突漲沙爭殺不已出巡立牌分界乃定民歌思之不僅遺愛江右也後當按閩不果隱居養母康熙庚戌春卒

許都餘黨復亂

甲申八月十九日浙撫左光先報土賊勾連逃兵義
烏東陽許都餘黨復亂二十日批浙撫黃鳴俊奏左
光先誘殺許都不行善政以致煽動著鳴俊卽相機
勦撫二十三日諭兵科許都初降終殺激變遣殛事
情著在朝浙臣直奏二十六日兵科陳子龍言東陽
再亂全因縣官誅求激變九月初三日吏部奏姚孫
槩貪酷激變東陽命逮訊之二十五日上諭姚孫槩
貪橫激變許都尙敢搜賣賊產日事誅求激成大禍
罪不容誅左光先力庇貪令毒流東越著革職拿問

明季南畧

卷之五

五

編年云罷浙江巡撫黃鳴俊降巡按任天成以許都
餘黨復叛處分未定也先是許都變起東陽兩浙洵
洵前任巡按左光先授計紹興推官陳子龍誘擒斬
之光先爲光斗弟故與阮大鍼有仇隙又首劾大鍼
馬士英故借誘降激變并議光先之罪而陷之朝右
無敢直言者蘇松巡撫祁彪佳獨言許都之變突發
東陽義烏浦江皆無堅城光先事竣出境問變逆還
一切調兵措餉皆其措措不一月而元兇授首兩淮
復安乃今奉旨推求夫弄兵揭竿至于破城據邑其

罪豈不當死。當日兵威所迫。賊已窮蹙。而後乞命。與陣擒無異。非誘降也。設誅鋤不力。養虎遺患。後來國難方張。又不知作何舉動矣。豈可反以激變罪之乎。於是大鉞等并切齒彪佳。而御史張孫振論劾彪佳貪好。且所定策有異議。詞連吳甦。鄭三俊。劉宗周等。彪佳因罷去。史載孫振追劾彪佳。在十月三日。而彪佳之罷。則十一月十三日也。

甚矣史之難信也。由前說觀之。則光先隱孫策。

激變之罪。不為無過。由後說觀之。則光先授計。

明季南畧

卷之五

五

子龍誘擒之事。不為無功夫。以吳越聯壤。復躬當其時。猶言人人殊如此。況今古異時。四方異地。而欲憑臆以斷誌之。其為誣可勝道乎。

馬士英請納銀

八月十八日癸卯。馬士英請免各府州縣童生應試。上戶納銀六兩。中戶四兩。下戶三兩。竟送學院收考。

時溧陽知縣李思謨。不令童生納銀。特降五級。

李降乙酉

正月二十一日事

又詔行納貢例。廩生納銀三百兩。增六百兩。附七百兩。至明年正月十一日。制廩生加納通判。

又立開納助工例。武英殿中書。納銀九百兩。文華中書一千五百兩。內閣中書二千兩。待詔二千兩。拔貢一千兩。推知銜二千兩。監紀職方萬千不等。皆以助軍興也。時爲之語曰。中書隨地有。都督滿街走。監紀多如羊。職方賤如狗。廢起千年塵。拔貢一呈首。掃盡江南錢。填塞馬家口。至乙酉二月。輸納富人。授翰林待詔等官。故更云翰林滿街走也。

是時士莫賣官鬻爵。鄉邑哄傳。予在書齋。今日聞某挾貲赴京做官矣。明日又聞某鬻產買官矣。一時賣菜兒。莫不腰纏走白下。或云把總銜矣。或遊擊銜矣。且將赴某地矣。嗚呼。此何時也。而小人猶爾。夢夢欲不亡得乎。

五陵注畧

十二月二十二日丙子。禁書坊不許行五陵注畧。楊士聰曰。五陵注畧者。許生重熙之所撰也。持論頗異。如葉福清之諡忠似謬。方德清之諡正似醜。朝論騷之至。言劉伯溫拜波江勳舊。襲封出鄉。人人推戴。前人已言之。孔昭一見大怒。適溫相忌倪元璐。恐其

入閣。孔昭遂以倪鋼妻事與許並股作疏。意重在許。欲開大獄。上不允。親票旨放歸。許之書遂播行。

新殿推恩

乙酉正月十九日。殿宇鼎新。推恩輔臣。馬士英。王鐸。王應熊。史可法。尙書何應瑞。侍郎高倬。劉士禎。科道李維樾。游有倫。周元泰。主事朱日燦。秦祖襄。各賜金幣。內官韓贊。周盧九德。劉文忠。屈尙忠。張執中。田成。王肇基。高起潛。孫象賢。車天祥。喬尙。谷國珍。何志孔。趙興邦。李燦。蘇養性。孫珍。諸進朝銀幣外。各賡子錦。明季南畧 卷之五

皇

衣指揮李國輔錦衣千戶。

三月二十二日乙巳。殿工落成。加恩史可法。馬士英。王鐸。高宏圖。姜曰廣。管紹甯。朱之臣。高倬。劉士禎。何應瑞。陳盟。曹勳。葛寅亮。各加官。惟顧錫疇不許敘。二十三日敘內臣殿上功。加韓贊。周盧九德等三十五人賞賚有差。

朝政濁亂昏淫

時上深居禁中。惟漁幼女。飲火酒。伶官演戲爲樂。修興甯宮。建慈禧殿。大工繁費。宴賞皆不以節。國用匱。

乏佃練湖放洋船。爪儀掣監。蘆州升課。甚至沽酒之家。每勛定稅錢一文。利之所在。搜括殆盡。蓋馬士英當國。與劉孔昭比。濁亂國是。內則韓盧張田。外則張李楊阮。一唱羣和。兼有東平。與平遙。制內權。忻城撫甯。侵撓吏事。邊警日逼。而主不知。小人棄時射利。識者已知不堪旦夕矣。

韓贊周。慮九德。張執中。田成。張捷。李沾。楊維垣。阮大鍼。劉澤清。高傑。趙之龍。朱國弼。

十一月二十九日。上不豫。幾殆。輔臣入候。羣闖竊竊。

明季南畧

卷之五

望一

有所指畫。良久乃退。時上崇飲好內。權在羣闖。田成爲最。大臣皆因之。固寵政以貽成。時語曰。金刀莫試。割長弓。早上絃。求田方得祿。買馬卽爲官。

時有自京中來云。闖人張執中。年僅十九。上最嬖之。甚恣。諸臣欲見不得。卽偶見。亦甚驕倨。惟

馬士英登門。乃見。或畱一清茶。士英已覺榮甚。除夕上在興甯宮。色忽不怡。韓贊周言新宮宜。權上曰。黎園殊少佳者。贊周泣曰。臣以陛下令節。或思皇考。或念先帝。乃作此想耶。

贊周泣對有淚黠魏徵之風安光此相酷似東
昏后主一輩

甲乙史載此爲二十四戌寅事子按令節似除
夕爲真故從之

正月十二日丙申傳旨天財庫召內豎五十三人進
宮演戲飲酒上醉後淫死童女二人乃舊院雜妓馬
阮選進者擡出北安門付搗兒墓之嗣後屢有此事
由是曲中少女幾盡久亦不復擡出而馬阮搜覓六
院亦無遺矣二十四日甲辰復召內豎進宮演戲

明季南畧

卷之五

望

故事宮中有大變則夜半鳴鐘一夕大內鐘鳴
外廷門之大駭謂有非常須臾內豎啓門而出
索鬼面頭子數十欲演戲耳可笑如此安得不
亡時表弟胡鴻儀在屯田署中親所聞見者
蘇州有醫者鄭三山日以春方進上多鄙褻上
寵之

